

MELDING OM VEDTAK

Arild Hjertaas
Hjertåsmarka 95

5943 AUSTRHEIM

Dykkar ref.

–

Vår ref.

11/440-16

Saksansvarleg:

Asbjørn Nagell Toft

Arkivkode:

FA-K40-

Dato:

15.07.2011

Særutskrift - Viltforvaltning 2011-Endring av forskrift for minstearealet for hjortevald i Austrheim kommune

Viser til vedlagte sak med vedtak.

Med helsing

Asbjørn Nagell Toft
rådgjevar

Austrheim kommune

Sakspapir

SAKSGANG			
Styre, utval, råd m.m.	Møtedato	Saksnr	Sakshands.
Kommunestyret	22.06.2011	061/11	Asbjørn Nagell Toft

Saksansv.: Asbjørn Nagell Toft	Arkiv: FA-K40	Arkivsaknr: 11/440 -11
--------------------------------	---------------	------------------------

Viltforvaltning 2011-Endring av forskrift for minstearealet for hjortevald i Austrheim kommune

Dokument i saka:

Nr	T	Dok.dato	Avsender/Mottakar	Tittel
1	I	11.04.2011	Viltfagrådet	Referat fra årsmøte i viltfagrådet 29.3.2011
2	I	11.04.2011	Viltfagrådet	Sett hjort 2010
4	I	28.04.2011	Nordhordland Jakt og Fiskelag	Søknad om stønad til blodsporprøve 21.05.11, Norsk Kennel Klubb.
3	U	28.04.2011	Representantar i viltfagrådet i Austrheim	Viltforvaltning 2011-Utsending av referat frå årsmøte i viltfagrådet
5	I	29.04.2011	Statoil ASA	Ny valdansvarleg på Mongstad - Valdnummer 1264V004
8	U	06.05.2011	Statoil ASA; Representantar i viltfagrådet i Austrheim; Nordhordland Jakt og Fiskelag; Valdleiarar; Landbruksfagrådet; Faglag i landbruket i Austrheim	Melding om delegert vedtak - Viltforvaltning 2011-Høyring om minsteareal
10	U	13.05.2011	Strilen	Viltforvaltning 2011-Annonse til lokalaviser
12	U	10.06.2011	Bjørn Andreassen	Fellingsløyve og fellingsrapport 2011
13	U	10.06.2011	Jostein Husa	Fellingsløyve og fellingsrapport 2011
14	U	10.06.2011	Einar Kahrs	Fellingsløyve og fellingsrapport 2011

Dok.dato	Vedlegg	Dok.ID
28.04.2011	Viltforvaltning 2011-Utsending av referat frå årsmøte i viltfagrådet	43167
06.05.2011	Val av styremedlemmer i viltfagrådet 2011	43503

Rådmannen sitt framlegg til vedtak:

Framlegg til ny forskrift om minsteareal for hjortevald i Austrheim kommune kan no godkjennast. Det nye minstearealet for hjortevald vert føreslått sett til 500 dekar for heile Austrheim kommune. Den nye forskrifta trer i kraft straks.

Vedtaket er heimla i lov av 29.05 1981 nr. 38 om viltet §16 og forskrift av 22.03.2002 om forvaltning av hjortevilt og bever §§4 og 4.

Behandling i Kommunestyret 22.06.2011:

Rådmannen sitt framlegg vart samrøystes vedteke.

KS-061/11 Vedtak:

Framlegg til ny forskrift om minsteareal for hjortevald i Austrheim kommune vert godkjent.

Det nye minstearealet for hjortevald vert føreslått sett til 500 dekar for heile Austrheim kommune. Den nye forskrifta trer i kraft straks.

Vedtaket er heimla i lov av 29.05 1981 nr. 38 om viltet §16 og forskrift av 22.03.2002 om forvaltning av hjortevilt og bever §§4 og 4.

Særutskrift sendt:

Dato:

Sign:

1. Saka gjeld:

Endring av forskrift av minstearealet etter § 5 i forskrift om hjortevilt frå 1000 dekar til 500 dekar i Austrheim kommune. Saka har vore på høyring på vanleg måte.

2. Saksopplysningar:

Austrheim kommune treng etter fagfolk og mange grunneigarar si meining ei ny forskrift for minsteareal for hjortevald. For at det nye minstearealet skal vera heimla i lovverket må det no vedtakast ei ny forskrift etter lov av 29.05 1981 nr. 38 om viltet §16 og forskrift av 22.03.2002 om forvaltning av hjortevilt og bever §§4 og 4. Framlegg til ny forskrift har vore på høyring til hjortevalda, fagлага og andre rådgjevande organ i Austrheim kommune på vanleg måte. Høyringsannonse har og vorte lagt ut i lokalavisene på vanleg måte. Det har ikkje kome inn nokre merknadar på forslaget til nytt minsteareal for hjortevald i Austrheim kommune. Fristen vart sett til 10.juni 2011.

Gjeldane forskrift i Austrheim kommune har 1000 dekar som minsteareal. Den vert fastsett i 2005, sak 56/05. Dette betyr at når hjortestamma er aukande og stor som i dag mange stadar så har ikkje forvaltninga det verktøyet som trengst for å stabilisera hjortestamma eller redusera denne. Det største valdet har ein fellingsprosent på 100 % (Fosnøy viltlag, vald 1) og det er ikkje mogeleg etter dagens forskrift å gjeva fleire fellingsløyve her. Dei siste års fellingsstatistikk, sett-hjort registreringar, vilt påkjørsle og skadeproblem i enkelte deler av kommunen tyder på at hjortestamma framleis er stor og aukande. Hjortestamma i Austrheim fører i dag til større brukarkonfliktar med gardbrukarar og hageeigarar, men og auka fare for kollisjonar med biltrafikk. Det er særleg eng og skog som vert råka hardt ein del stadar her når hjortestamma vert stor. Det vart tildelt 93 hjortar på fire vald inklusivt Mongstad-valdet i 2010. 79 dyr vart skote i 2010.

Saka om å redusera minstearealet i Austrheim har vore grundig drøfta i viltfagrådet, men og diskutert i landbruksfagrådet ved tidlegare høve. Det er og etablert ein viltåker i Austrheim for å prøva å lokka dyr vekk frå verdifull eng og åker. Det nye forslaget frå rådmannen er at nytt minsteareal i Austrheim kommune vert redusert frå 1000 til 500 dekar for heile kommunen. Dette vil kunna vera med å auka fleksibiliteten i tildeling av løyve og betra grunnlaget for å ha ei sunn og livskraftig hjortestamme i Austrheim. I nabokommunen Radøy som grensar til Austrheim har store deler av kommunen 400 dekar som gjeldane minsteareal i si forskrift om storleik på minsteareal for hjortevilt. Dette vart gjort for nokre år sidan for å kunne redusera hjortestamma i kommunen.

Minsteareal er eit omgrep som er førande for kor stort areal som vert kravd for å godkjenne vald og kor mykje areal som ligg til grunn for kvart hjorteløyve. Med omsyn til regulering av bestanden av hjort, er det viktig at ein har eit minsteareal som til ei kvar tid gjev høve til å ta ut nok dyr i forhold til storleik/ynskt storleik på bestanden. Hjortebestanden sin kondisjon og slaktevekt er det og viktig å ha med seg i vurderingane her. Viss bestanden vert for høg vil hjortedyra fort få dårlegare vekt, og verta meir utsett for sjukdommar.

3. Vurdering:

Mange faktorar og opplysningar tyder på at hjortestamma mange stadar i kommunen framleis er stor og aukande. Å ha 1000 dekar som minsteareal er ikkje lenger formålsteneleg for hjorteforvaltninga her. Austrheim kommune treng difor ei ny forskrift for minsteareal for hjortevald på 500 dekar for å stabilisera hjortestamma framover. Rådmannen synes det er naturleg å redusera minstearealet frå 1000 til 500 dekar. Forslag om ny forskrift for

minstearealet for hjortevald bør no godkjennast. Då kan Austrheim kommune tildela fleire fellingsløyve frå år 2011 der dette er naudsynt for å stabilisera og senka hjortestamma til eit meir forsvarleg og livskraftig nivå.

4. Konklusjon:

Framlegg til ny forskrift om minsteareal for hjortevald i Austrheim kommune som har vore på høyring kan no godkjennast. Det nye minstearealet for hjortevald vert føreslått sett til 500 dekar for heile Austrheim kommune i de nye forskrifta.